



UNIVERSITÄTS-
BIBLIOTHEK
PADERBORN

**Praxis Iurispatronatus Acquirendi, conseruandiq[ue] illud;
ac amittendi modos breuiter continens**

Viviani, Giuliano

Romae, 1620

Cap. 5. Quid si Ecclesia fit sine dote, & ab aliquo dotetur, an talis dotans
efficiatur patronus.

[urn:nbn:de:hbz:466:1-61772](https://nbn-resolving.org/urn:nbn:de:hbz:466:1-61772)

CAPVT QVINTVM.

Quid si ecclesia sit sine dote, & ab aliquo dotetur, an talis dotans efficiatur patronus?

SVMMARIVM.

- 1 Dotans ecclesiam indotatam fit patronus de consensu Diœcesani.
- 2 Dotans ecclesiam cum primo dotante fit patronus.
- 3 Ius patronatus acquiritur ex sex causis.
- 4 Readificatio quando quem patronum faciat.
- 5 Ecclesia tunc dicitur diruta, quando readificata est reconsecranda.
- 6 Dotans quando est diruta Ecclesia fit patronus.
- 7 Fundans diruta ecclesia, patronus remanet, si super eodem fundo readificetur.
- 8 Quid in patrono ratione destructionis.
- 9 Monasterium si alteri vniatur, quomodo remanet ius patronatus.
- 10 Redotans Ecclesiam fit patronus.
- 11 Disposita in fundante, Praxis Iuris patron.

construente, & dotante, procedunt in refundante, readificante, & redotante.

- 12 Si in ecclesia iam perfecta erigatur beneficium, tum dotans illud, fit patronus in totum.

Ecclesia fundata, & constructa sine dote reperia, si ab aliquo dotatur de consensu Diœcesani, dotans in ea acquirit ius patronatus; & si ecclesia est fundata, constructa, & consecrata, sed indotata, si dotetur cum dicto consensu, dotans fit patronus, dummodo dotans det bona ecclesiæ titulo dotis, non simplicis donationis, dummodo etiam is, qui fundauit, & construxit, id permittat, vel is, qui eam consecrauit non sit soluendo: & hæc procedunt, quando nunquam dos aliqua fuit ecclesiæ assignata, & de his late

Lambert. de iurepatron. lib. 1. part. 1. quæst. 6. artic. 1. num. 5. & sequentibus. Dicitur tamen autem ecclesiam cum primo dotante acquirit iuspatronatus; vel si ecclesia sit iam dotata sufficienter, & consecrata, vel non, tunc si aliquis illi conferat bona dicitur benefactor, & sic non acquirit iuspatronatus. Lambert. vbi supra. artic. 2. num. 9. quamvis Paulus de Cittadin. in suo tractatu de iurepatron. parte 3. in princip. simpliciter ponat has causas esse tunc acquirendi iuspatronatus, scilicet per fundationem, seu constructionem, per dotationem, per reparationem, seu reedificationem, per præscriptionem, & ultimo per priuilegium, de quibus Lambert. vbi supra. num. 2. Ex reparatione, seu tunc reedificatione, vel restauratione non acquiritur iuspatronatus. Lambert. hic artic. 3. in princip. & num. 11. Card. Tuscus practic. conclus. iur. littera I. concl. 601. & Cardin. Seraphin. decis. 555. & 907. quæ limitatur, vt procedat quando ecclesia non est omnino destructa;

tunc enim reficiens non efficitur patronus; sed si ecclesia funditus esset destructa, tunc si aliquis vult reedificare de consensu tamen Episcopi, acquirat iuspatronatus. si autem antiquus patronus velit reedificare non eget Episcopi consensu. Lambertin. vbi supra. & tunc tunc ecclesia dicitur diruta, quando reedificata requirit nouam consecrationem, secundum c. de fabrica. vbi glos. in verbo innouata. de consecrat. dist. 6. 1. primus tunc patronus ratione dotis adhuc est patronus in ecclesia diruta, et reedificata: & si tunc super antiquo fundo reedificetur, patronus antiquus, qui dedit fundum erit adhuc patronus. Dubium est in tunc patrono, qui patronus erat ratione constructionis: in hoc dicas, quod cum plures simul construunt, simul ratione constructionis fiunt patroni, ita in hoc casu tam is, qui primus construxit, quam is, qui reedificat ratione constructionis fiunt simul patroni, à primo enim constructore lapides, cements, & fundamenta proueniunt; ita late Lambert. vbi supra.

9 supra. artic. 4. num. 8. patronus alicuius † Monasterij, quod quia desolatum est vnitur alteri Monasterio, non efficitur patronus secundi Monasterij; sed remanet patronus tantum primi, si primum dotauit: si tamen primum Monasterium sit dirutum, & secundum, cui fit vnio sit omnino sine dote, tunc quia ista vnio est loco dotationis, patronus primi erit etiam patronus secundi ratione dictæ dotationis. Lambert. vbi supra. art. 5. Redotans † Ecclesiam, quæ in totum dotem amisit, acquirit in ea iuspatronatus, & primus patronus, idest qui eam antiquitus dotauit nihil in ea habebit: si autem ecclesia dotem amisit; sed non in totum, & tunc supplens in dote non acquirit iuspatronatus, quia tunc dicitur benefactor; sed volente primo, de consensu Episcopi efficietur compatronus dictæ ecclesiæ cum primo pattono dotante: ita la-

te Lambertin. vbi supra. art. 6. num. 1. Et omnia disposita in † fundante, construente, & dotante habebunt locum in nouo dante fundum, reædificante, & redotante, cum hoc tamen, quod accedat cōsensus Ordinarij, quod non admittatur alius inuito primo fundante, & perficere volente, & alia, quæ in primo fundante procedunt, ponit Lambertin. vbi supra. artic. 7. limitatur † etiam dicta principalis conclusio, vt non procedat, si in ecclesia fundata, constructa, & dotata, & etiam consecrata erigetur aliqua præbenda, vel dignitas, seu beneficium per aliquem, & dotaretur de consensu Episcopi, seu si sit præbenda in ecclesia collegiata de consensu Capituli dictæ ecclesiæ, tunc enim dotans in istis supradictis acquirit iuspatronatus, licet non acquirat in ecclesia principali. Lambertin. artic. 8. vbi supra.